

Namminersornerullutik Oqartussat nalunaarutaat Suliffeqarfut mingutsitsivallaartut il.il. avatangiisirut tunngatillugu akuersissuteqarfingineqartarnerat pillugu

Avatangiisit innarlitsaaliorneqarnissaannik Inatsisartut peqqussutaat nr. 12, 22. december 1988-imeersumi kingullermik Inatsisartut peqqussutaat nr. 1, 21. maj 2004-meersukkut allanngortinneqartumi § 7, § 16, imm. 2 aamma imm. 3 aamma kapitali 5, § 46 aamma § 47 naapertorlugit makkua aalajangersarneqarput:

Kapitali 1

Nassuaatit

§ 1. Akugisat aniasut nalingisa killissaat tassaavoq akugisap aalajangersimasup anianerani qaangeeqqusaanngitsoq. Naligisap killinga nalunaarneqarsinnaavoq akugisat annertussusiatut (soorlu mg/m³) imaluunniit piffissami aalajanersimasi akugisap aniasup katillugu annertussusiatut (soorlu g/s imaluunniit kg/time).

Imm.2. Avatangiisirut sunniutit nalingisa killissaat tassaavoq akugisap aalajangersimasup avatangiisini nalingata killinga. Naligisap killinga akugisat aalajangersimasut katersuunnerattut nalunaarneqassaaq (soorlu mg/m³).

Kapitali 2

Atuuffi

§ 2. Nalunaarummi matumani suliffeqarfut mingutsitsivallaartut il.il. avatangiisirut tunngatillugu akuersissuteqarfingineqartarnerat pillugu malittarisassat aalajangersarneqarput. Nalunaarut avatangiisit innarlitsaaliorneqarnissaannik Inatsisartut peqqussutaanni kapitalinut 4, 9, 10 11-mullu ataqtigiissillugu atorneqassaaq.

Imm. 2. Suliffeqarfut il.il. mingutsitsivallaartut tassaapput suliffeqarfut, atortorisat aaqqissukkallu ilanngussaq 1-imni nalunaarsorneqarsimasut.

Kapitali 3

Akuersissuteqartarneq

§ 3. Suliffeqarfut mingutsitsivallaartut, atortorisat aaqqissukkallu nalunaarsuivimmi § 2, imm. 2-mi ilaasut sananeqaqqusaanatillu aallarteqquaanngillat akuersissuteqarfingineqarsimanngikkunik.

§ 4. Suliffeqarfit, atortorisat aaqqissukkalluunniit § 2, imm. 2-mi nalunaarsuiffimmut ilanngunneqarsimasut nalunaarummi matumani malittarisassat malillugit akuersissuteqarfingineqarumallutik qinnuteqarsinnaapput.

§ 5. Suliffeqarfit, atortorisat aaqqissukkallu §§ 3 aamma 4-mi taaneqartut allileqqusaanngillat illutatigullu imaluunniit ingerlatsinkkut allangorteqqusaanatik mingutsitsinerlernermik kinguneqartumik, allilerineq allanngortitsinerluunniit akuersissutigineqarsimatinnagit.

§ 6. Avatangiisnut Pinngortitamullu Pisortaqaqrifup, mingutsitsinermut tunngasut immikkut misissortariaqarsorineqarpata, piumasarisinnaavaa suliffeqarfit, atortorisat aaqqissukkalluunniit aalajangersimasut nalunaarsiuifimi § 2, imm. 2-mi ilaagunik ilaangikkunilluunniit piffissap aalajangersimasup iluani akuersissuteqartoqarnissaanik qinnuteqassasut § 3-mi taaneqartutut.

Kapitali 4

Akuersissuteqartoqarnissaanik qinnuteqarneq

§ 7. §§ 3-6 naapertorlugit akuersissuteqartoqarnissaanik qinnuteqaat allaganngorlugu tunniunneqassaaq paasisuttissanillu ilanngussaq 2-mi taaneqartunik ilaqqassalluni. Paasissutissat suliffeqarfimmut il.il. pineqartumut tunngangippata qinnuteqaammi nalunaarneqassapput.

§ 8. Akuersissuteqartoqarnissaanik qinnuteqarfingineqassaaq Avatangiisnut Pinngortitamullu Pisortaqaqrifik.

Kapitali 5

Akuersissuteqartoqarneranik aalajangiineq

§ 9. Akuersissuteqartoqarsinnaanngilaq sumiiffigisamut pineqartumut kommunimi sumiiffimmiluunnit pilersaarutit naapertorlugit suliffeqarfik, atortorisat il.il.sananeqarsimangippata.

§ 10. Avatangiisnut Pinngortitamullu Pisortaqaqrifik akuersissuteqarsinnaavoq qularnaatsumik paasinarpasuliffeqarfik mingutsitsineq pinaveersimatinniarlugu akiorniarlugulu naammattunik aaqqissuussisimasoq kiisalu suliffeqarfiup ingerlanneqarnera aaqqissuussimallugu sapinngisamik avatangiisnut minnerpaamik akornusiisinhaanngorlugu.

Imm. 2. Suliffeqarfiup mingutsitsineq pinaveersimatinniarlugu akiorniarlugulu naammattunik aaqqissuussisimanerata nalilersornerani naatsorsuutigineqassapput sumiiffimmi pineqartumi pisutsit kiisalu teknologikkut ineriertorneq, tassani makkua pingaartillugit:

- 1) ingerlatsinerup avatangiisnut mingutsitsisinhaanera sapinngisamik minnerpaalersinneqarsimassasooq
- 2) nukissamik nioqqutissiassanillu atuinerup annikillisarnissaanut periarfissat atorneqarsimassasut
- 3) akoorutissat ajoqtaanerusut pasinapiluttluunniit ajoqtaannginnerusunik pasinapilunnginnerusunillu taarsernissaannut periarfissat atorneqarsimassasut
- 4) nioqqutissiorerit atorluaanerpaanissaannut periarfissat atorneqarsimassasut, soorlu aaqqissukkat matoqqasut atorlugit, aamma
- 5) igitassanik pilersitsineq pinngitsoorneqarsimassasoq, tamannalu ajornartillugu atueqqinermut kaaviaartitseqqinnermullu periarfissat atorniarneqarsimassasut.

§ 11. Akuersissummi avatangiisnut teknikkimut tunngasut allaaserineqarsimassapput pilersaarullu qinnutigineqartoq nalilerneqarsimassalluni.

Imm. 2. Avatangiisnut teknikkimut tunngasut allaaserineqarnerannut ilaassapput pissutsit akuersissuteqarnermut tunngavigineqartut, tamatumani ilanngullugit suliffeqarfiup inissisimanera,

minngutsitsinerup suussusia annertussusialu aaqqissuussinerillu mingutsitsineq pinngitsoorniarlugu suliffeqarfiup suliariiniarlugit nalunaarutigisimasai.

Imm. 3. Avatangiisinut teknikkimut tunngasut nalilorsornerannut ilaassaaq § 11 malillugu akuersissuteqarnissamut tunngavissat naammassineqarsimanerat pillugu nassuaat.

Imm. 4. Akuersissummi suliffeqarfiup pilersinneranut ingerlanneranullu piumasaqaatitut aalajangersakkat allassimassapput. Piumasaqaatini aalajangersarneqarsinnaapput:

1) Akugisat aniasut nalingisa killissaat, silaannaqarnerpaaffissaq aniatitsinernullu ataasiakkaanut tamanut aniatitsinerup annertussusia akoorutissat mingutsitsisut silaannarmut aniatinneqartillugit.

2) Akugisat aniasut sunniutillu nalingisa killissaat kiisalu kuuffinni ataasiakkaani tamani ermup igitap annerpaaffissa, akoorutssat mingutsitsisartut kangerlunnut imaanullu aniatinneqartillugit, kiisalu imermik nillataartsitsissummik aniatitsisoqartillugu erngup nillataartsissutip aniatitsivigisami nalinginnaasumik kissassutsimut sanilliullugu qanoq kissarnerutiginissaanut killissat.

3) Nipilornerup killissai.

4) Suliffeqarfiup imminut nakkutiginissaanut piumasaqaatit, tamatumani ilanggullugit nalunaarlugit uuttueriaatsit naatsorsueriaatsillu, uuttuinerit akulikissusiat, killissat malinneqarnerannut nalileeriaaseq, imminut nakkutiginermi angusat qaqugukkut nalunaarutigineqartarnissaat, kiisalu misiligtissanik tigusineq mississueqqissaarnerlu suliffeqarfiup nammineq ingerlassinnaanerai imaluunniit labororiamit akuerisamit ingerlanneqassanersut.

5) Nunap, nunap eqqamiittup, nunap iluani ermup, kuuit, tatsit, sikup immallu illersornissaannut piumasaqaatit.

6) Suliffeqarfimmi igitat passunnissaannut uninngatinnissaannullu piumasaqaatit.

7) Tipip ajoqutaanerata killilernissaanut piumasaqaatit.

8) Ingerlatsinermi pisarneq malinnagu pisoqartillugu suliffeqarfiup qanoq iliornissaannut piumasaqaatit.

9) Suliffeqarfiup aaqqissugaaneranut ingerlanneranullu piumasaqaatit, pisariaqartut qulakkeerumallugu suliffeqarfiup avatangiisiminik annertuumik mingutitsinnginnissaa, ilaatigut ajutoornermi.

10) Ingerlatsinerup uninnerani suliffeqarfimmit unittumiit mingutsitseratarsinnaaneq pinngitsoorniarlugu pisariaqartumik aaqqissuussinissanut piumasaqaatit.

Imm. 5. Akugisat aniasut nalingisa killissaat imm. 4-mi, nr.1-imi 2-milu taaneqartut aalajangersarneqassapput sulinermi atortunit aniatitsiviusunut, taamaattoqassappallu imerpallassaannginnermi. Akugisat aniasut nalingisa killissaat ilaneqarsinnaapput uuttutinilluunniit allanik taarserneqarsinnaallutik. Akugisat aniasut nalingisa killissaat uuttutillu allat aalajangersarneqarsinnaapput tekniki atoriaannaq pitsaanerpaaq tunngavigalugu, teknikip teknologiilluunniit aalajangersimasup atornissaa piumasarinngikkaluarlugu.

Imm. 6. Akuersissuteqarnermi piumasaqaatitut nalunaarutigineqartut pinngitsooratik malinneqassapput.

Imm. 7. Akuersissummi piumasarineqarsinnaavoq suliffeqarfiup Avatangiisinut Pinngortitamullu

Pisortaqarfimmut pinngitsoorani nalunaarnissaa, aammalu piumasatut aalajangersarneqarsinnaavoq suliffeqarfiup ataavartumik avatangiisink misissuinissaa misiuinernulluunniit akiliinissaa.

§ 12. Akuersissut piffissami aalajangersimasumi atortussanngortinnejqarsinnaavoq.

Imm. 2. Akuersissut piffissami aalajangersimasumi atortussanngortinnejqarsinnaavoq akuersissummut tamarmut akuersissutilluunniit immikkoortuinut ataasiakkaanut.

Imm. 3. Piffissami aalajangersimasumi atortussanngortitsineq atorneqassappat akuersissummi

1) ilisimatitsissutigineqassaaq akuersissutip qaqugu naanissaa,

- 2) inatsisitigut illersugaaffiup atuuttup sivisussusissaa ilisimatitsissutigineqassaaq, aamma
- 3) piffissamut aalajangersimasumut atuunnissaanut patsisaasooq immikkut ilaassaaq.

§ 13. Illuliortiterneq sanaartornerlu ingerlanneqassappata akuersissut piffissaq naammagittaalliorfissaq naatinngagu nalinginnaasumik atorneqarsinnaanngilaq.

§ 14. Avatangiisinut Pinngortitamullu Pisortaqaifiup aalajangersinnaavaa akuersissuteqarnissaq pisariaqanngitsoq suliffeqarfimmut aalajangersimasumut ilangussaq 1-imik nalunaaqutsigaasumut, suliffeqarfik sananeqarpak kommunimi sumiiffimmi luunniit pilersaarummi akuerisaasumi inuutissarsiutigalugu suliffeqarfimmut taamaattumut atugassangortitsisimaneq naapertorlugu.

§ 15. Akuersissummi aalajangersagaqassaaq akuersissut atorunnaassasoq piffissaliussaq aalajangersimasoq qaangiutsinnagu atorneqarsimangikkuni. Akuersissutip nalunaarutigineqarneraniit ukiut marluk sinnerlugit piffissaliisoqarsinnaanngilaq.

§ 16. §§ 3-6 naapertorluginit akuersissutit Avatangiisinut Pinngortitamullu Pisortaqaifimmit aalajangiiffigineqartassapput kommunalbestyrelsip tusarniaaffigineqareerneratigut.

§ 17. Nalunaarut manna naapertorlugu akuersissutini suliassat pillugit Peqqinnissaqarfiup Nakutilliisoqarfia tusarniaaffigineqartassaaq.

§ 18. Nalunaarut manna malillugu akuersissut nuna tamakkerlugu aviisitigut tamanut saqqummiunneqassaaq kiisalu sumiiffimmi pineqartumi periaaseq nalinginnaasoq atorlugu.

§ 19. Akuersissuteqarnerup kingornatigut ukiut arfineq pingasut sinnerlugit qaangiuppata, tak. § 12, Avatangiisinut Pinngortitamullu Pisortaqaifiup piumasaasut akuersissummi nutaami allanngortissinnavai, avatangiisit patsigineqarpata, imaluunniit saleeriaatsit pitsaanerusut nioqqtissioriaatsilluunniit mingutsitsinnginnerusut ineriertortinneqarsimappata.

Kapitali 6

Peqqussutit inerteqqutillu

§ 20. Akuersissuteqarnermi piumasaqaatit, tak. § 11, imm. 4, unioqqtinnejarpata, taamaalilluni suliffeqarfik atortui aaqqissugaaneraluunniit Avatangiisinut Pinngortitamullu Pisortaqaifiup isumaa malillugu annertuumik mingutsitsinermik kinguneqarlutik, imaluunniit akuersissuteqarnermi aalajangersakkanik qaangiisumik, Avatangiisinut Pinngortitamullu Pisortaqaifiup pitsanngorsaalluni iliuuseqarnissaq peqqussutigisinnaavaa.

§ 21. Mingutsitsineq iluarsiivigineqarsinnaanngippat, imaluunniit § 20 naapertorlugu peqqussut unioqqtinnejarpak Avatangiisinut Pinngortitamullu Pisortaqaifiup ingerlatsinerup nanginnissaa inerteqqutigisinnaavaa piumasarisinnaallugulu suliffeqarfik, atortui aaqqissugaaneraluunniit peerneqassasut.

§ 22. Mingutsitsineq peqqinnissamut navianaateqarlunnarpak ingerlatsinerup unitsikkallarnissaa kommunalbestyrelsip peqqussutigisinnaavaa. Tamatuma kinguninnguatigut communalbestyrelsip Avatangiisinut Pinngortitamullu Pisortaqaifiik pisoq pillugu ilisimatissavaa, taavalu Avatangiisinut Pinngortitamullu Pisortaqaifiup inerteqqut isummerfigissavaa.

§ 23. Akuersissutip atuuffiata nalaani, tak. § 12, tamaallaat peqqussuteqarlunilu inerteqquteqartoqarsinnaavoq §§ 20 21-lu malillugit, imaassimappat:

- 1) akuersissuteqarnermi piumasaqaatit unioqqtinnejartut
- 2) mingutsitsinerup ajoqutaasumik sunniutai pillugit paassisutissat nutaat pingarutillit saqqummersimasut,

- 3) mingutsitsineq annertuumik avatangiisirutut ajoqsiisimasoq akuersissuteqarnerup nalaani ilimagereerneqarsinnaanngitsunik, imaluunniit
- 4) mingutsitsineq akuersissuteqarnermi tunngavigineqartunit annertuumik ingasanneruppat.

Kapitali 7

Naammagittaalliuuteqartarnermut pineqaatissiisarnermullu aalajangersakkat

§ 24. Nalunaarut manna malillugu aalajangikkat tamarmik naammagittaalliuutigineqarsinnaapput Avatangiisit innarlitsaaliorneqarnissaannik Inatsisartut peqqussutaanni kapitali 10-mi aalajangersakkat malillugit.

§ 25. Akiliisitsinermik pineqaatissinneqarsinnaavoq:

- 1) § 3 imaluunniit § 5 malillugit akuersissuteqarfingineqarani suliffeqarfimmik pilersitsisoq, aallartitsisoq ingerlatsisorlu.
- 2) § 7 malillugu akuersissuteqartoqarnissaanik qinnuteqanngitsoq.
- 3) § 11, imm. 4 imaluunniit §§ 20-22 naapertorlugit peqqussutinik, inerteqqutinik piumasaqaatinilluunniit unioqqutitsisoq.
- 4) § 13-imut akerliusumik naammagittaalliuuteqarnissamut killiliussap naannginnerani akuersisummik atuisoq.

Imm. 2. Aktiaateqarluni ingerlatseqatigiiffik, piginneqataassuteqarluni ingerlatseqatigiiffik assigisaalluunniit unioqqutitsimappata ingerlatseqatigiiffik taamatut illuni akiliisussanngorlugu pineqaatissinneqarsinnaavoq. Namminersornerullutik Oqartussat, kommuni kommunilluunniit ataatsimoorfiat unioqqutitsimappata Namminersornerullutik Oqartussat, kommuni kommunilluunniit ataatsimoorfiat akileeqquneqarsinnaavoq.

Kapitali 8

Atuutilerfia

§ 26. Nalunaarut 3. september 2004-mi atuutilissaaq.

Namminersornerullutik Oqartussat ulloq 20. august 2004.

Jens Napātōk

/

Marianne Jensen

Ilanngussaq 1

Ilanngussaq 2

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqtaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut